



1028
x4

Bosnia and Herzegovina
Federation of Bosnia and Herzegovina
CANTON SARAJEVO
Ministry of Veteran's Affairs

Broj: 06-04-57021/25
Sarajevo, 13.03.2026.godine

SKUPŠTINA KANTONA SARAJEVO -OVDJE-

Predmet: Izjašnjenje na zastupničku inicijativu zastupnice Vedrane Vujović, dostavlja se

Zastupnica Vedrana Vujović je na 28. radnoj sjednici Skupštine Kantona Sarajevo, uputila zastupničku inicijativu koja glasi:

“Na osnovu člana 212. Poslovnika Skupštine Kantona Sarajevo upućujem: ZASTUPNIČKU INICIJATIVU za hitnu izmjenu Uredbe o načinu i uslovima ostvarivanja prava na dodjelu stipendija borcima - braniteljima Bosne i Hercegovine i njihovoj djeci („Službene novine Kantona Sarajevo”, broj 41/22 od 29.09.2022. godine), koja se realizuje putem Fonda „IKRE” Predmet ove inicijative je izmjena restriktivne i formalističke odredbe važeće Uredbe kojom je kao isključivi i dominantni kriterij za ostvarivanje prava na stipendiju propisana obaveza dostavljanja prosjeka numeričkih ocjena, čime se diskriminišu studenti III ciklusa studija na visokoškolskim ustanovama koje u okviru Univerziteta u Sarajevu primjenjuju PASS/FAIL (položio/nije položio) sistem ocjenjivanja. Cilj ove inicijative je: osigurati ustavnu i zakonsku jednakost djece boraca u ostvarivanju prava na stipendiju, uskladiti podzakonski akt sa važećim zakonima o visokom obrazovanju i priznatim sistemima ocjenjivanja na Univerzitetu u Sarajevu, spriječiti indirektnu diskriminaciju i pravnu nesigurnost, te omogućiti ostvarivanje svrhe i socijalne funkcije stipendiranja djece boraca. Obrazloženje: Važećom Uredbom, članom 16. stav (2) tačka a) 8. propisan je uslov dostavljanja prosjeka ocjena kao kriterij za ostvarivanje prava na stipendiju putem Fonda „IKRE“. Međutim, značajan broj visokoškolskih ustanova na području Kantona Sarajevo, u okviru Univerziteta u Sarajevu, naročito na III ciklusu studija, primjenjuje PASS/FAIL sistem ocjenjivanja, u okviru kojeg se ne utvrđuju niti izdaju numeričke ocjene, pa samim tim ni prosjek ocjena. Riječ je o zvaničnom, akreditovanom i legitimnom sistemu ocjenjivanja, u okviru kojeg studenti uredno izvršavaju sve studijske obaveze i ostvaruju propisane ECTS bodove. Ipak, zbog važeće odredbe Uredbe, djeca boraca-branitelja koja studiraju na fakultetima gdje se primjenjuje ovaj sistem dovedena su u diskriminatoran nepovoljan položaj, jer objektivno nisu u mogućnosti ispuniti formalni uslov koji se odnosi na dostavljanje prosjeka numeričkih ocjena. Ovakav pristup nije u skladu sa principima jednakosti, pravičnosti niti sa svrhom stipendiranja ove kategorije, čiji je cilj podrška obrazovanju djece boraca, a ne njihovo isključivanje na osnovu tehničkih ili administrativnih prepreka. Na ovaj način: • pravo na stipendiju zavisi od organizacijskog modela fakulteta, a ne od stvarnog uspjeha studenta, studenti se sankcionišu zbog okolnosti na koje objektivno nemaju nikakav uticaj, socijalno-zaštitna mjera gubi svoju osnovnu svrhu. Pravni razlozi za izmjenu Uredbe 1. Načelo jednakosti i zabrane diskriminacije Ustav Bosne i Hercegovine, kao i ustavi entiteta i kantona, garantuju jednakost svih građana pred zakonom i zabranu diskriminacije. Propisivanje isključivo numeričkog prosjeka ocjena kao uslova dovodi u neravnopravan položaj studente koji studiraju u okviru legitimnog PASS/FAIL sistema, čime se lica u istoj pravnoj situaciji nejednako tretiraju. 2. Načelo zakonitosti i usklađenosti sa propisima o



visokom obrazovanju Zakoni o visokom obrazovanju priznaju autonomiju visokoškolskih ustanova i različite modele ocjenjivanja, uključujući PASS/FAIL sistem. Podzakonski akt ne može dovoditi u pitanje pravne posljedice zakonito primjenjivanog sistema ocjenjivanja niti posredno derogirati važeće zakone. 3. Povreda prava na obrazovanje i socijalnu zaštitu posebnih kategorija Posebna brigada o boračkim kategorijama i članovima njihovih porodica predstavlja zakonski zaštićenu vrijednost. Uredba koja zbog formalnog kriterija onemogućava ostvarivanje prava na stipendiju djeci boraca koji uredno i redovno studiraju suprotna je svrsi socijalne zaštite. 4. Povreda načela pravne sigurnosti Studenti upisuju akreditovane i priznate visokoškolske ustanove s opravdanim očekivanjem da im takvo obrazovanje neće ugroziti ostvarivanje zakonom priznatih prava. Neprilagođenost Uredbe savremenim i različitim sistemima ocjenjivanja narušava pravnu sigurnost i povjerenje u pravni poredak. Zbog navedene neusaglašenosti, odbijeno je 20 djece šehida, poginulih boraca i boraca Armije Republike Bosne i Hercegovine, iako su dostavili kompletnu dokumentaciju i uredno upisani kao redovni studenti. Time je Kanton Sarajevo, putem Fonda IKRE" i Ministarstva za boračka pitanja, faktički onemogućio ostvarivanje prava na stipendiju upravo na najvišem nivou obrazovanja - doktorskom studiju. Dodatno, protiv Ministarstva za boračka pitanja Kantona Sarajevo već je pokrenut upravni spor za akademsku 2023/2024. godinu, što dodatno ukazuje na hitnost normativnog reagovanja i postavlja pitanje zašto sporna Uredba do danas nije izmijenjena. Predlažem da se Uredba hitno izmijeni ili dopuni na način da se, u slučajevima kada visokoškolska ustanova ne primjenjuje numeričko ocjenjivanje, kao ravnopravan i validan dokaz uspješnosti studiranja prihvata: potvrda visokoškolske ustanove o položenim ispitima u okviru PASS/FAIL sistema, potvrda o broju ostvarenih ECTS bodova u relevantnoj akademskoj godini, potvrda o statusu redovnog studenta bez zaostalih obaveza, ili drugi zvanični dokument izdat od strane fakulteta kojim se potvrđuje uredno i uspješno izvršavanje studijskih obaveza. S obzirom na navedeno, zahtijevam da se ova inicijativa razmotri bez odlaganja te da Vlada Kantona Sarajevo, putem nadležnog Ministarstva za boračka pitanja i u saradnji sa Fondom „IKRE“, u najkraćem mogućem roku pokrene postupak izmjene i dopune Uredbe, kako bi se otklonile postojeće pravne i faktičke nejednakosti prema studentima koji studiraju u okviru akreditovanog PASS/FAIL sistema ocjenjivanja. Izostanak pravovremene normativne intervencije predstavljao bi nastavak diskriminacije i povredu ustavnih načela jednakosti, pravne sigurnosti i proporcionalnosti. Izjašnjenje Vlade i resornog ministarstva na ovu inicijativu koja je hitnog karaktera tražim u pismenoj formi u što kraćem vremenskom roku.”

Na pokrenutu zastupničku Inicijativu dajemo slijedeće

I Z J A Š N J E N J E

Ministarstvo za boračka pitanja Kantona Sarajevo je razmotrilo inicijativu zastupnice Vedrane Vujović te Vas ovim putem informišemo da Ministarstvo ovu inicijativu podržava, te da će isto poduzeti aktivnosti na izmjenama i dopunama Uredbe do naredne školske godine kako bi se na taj način svim studentima omogućilo učestvovanje u ostvarivanju prava na stipendiju.

U prilogu akta dostavljamo Vam i Informaciju Fonda „IKRE“ broj: 02-2-111/26 od 11.03.2026. godine o predmetnoj inicijativi.

S poštovanjem,

Dostaviti:

- ① Predsjedavajućem Skupštine Kantona Sarajevo,
- Zamjenici predsjedavajućeg Skupštine Kantona Sarajevo x3,
- Službi za Skupštinske poslove Kantona Sarajevo,
- Stručnoj službi Vlade Kantona Sarajevo,
- A/a.



Adresa: Reisa Džemaludina Čauševića 1, 71000 Sarajevo

Tel: + 387 (0) 33 562-012, Fax: + 387 (0) 33 562-251

Web: <http://mbp.ks.gov.ba>, E-mail: mbp@mbp.ks.gov.ba

1463
17599



FOND KANTONA SARAJEVA ZA STIPENDIRANJE I ŠKOLOVANJE DJECE BORACA, POGINULIH BORACA I POGINULIH CIVILA - ŽRTAVA RATA - "IKRE"
WAR VICTIMS' CHILDREN SCHOLARSHIP FUND - "IKRE"

Broj: 02-2-111/26
Sarajevo, 11.03.2026. godine

Bosna i Hercegovina
Federacija Bosna i Hercegovine
KANTON SARAJEVO
13-03-2026

KANTON SARAJEVO
MINISTARSTVO ZA BORAČKA PITANJA

Šifra	Općina	Redni broj	Broj priloga
06	09	57021-33	145

125

PREDMET: Informacija
Veza dopis broj 01-04-57021-33/25 od 15.01.2026. godine – Zastupnička inicijativa

Poštovani,

U vezi sa dopisom broj 01-04-57021-33/25 od 15.01.2026. godine, a u vezi sa zastupničkom inicijativom zastupnice Vedrane Vujović za hitnu izmjenu Uredbe o načinu i uslovima ostvarivanja prava na dodjelu stipendija borcima-braniteljima Bosne i Hercegovine i njihovoj djeci ("Službene novine Kantona Sarajevo", broj 41/22, 37/24 i 38/25), dostavljamo informaciju da je Fond IKRE saglasan da se treba krenuti što brže u procedure izmjene navedene Uredbe, kako u narednoj školskoj godini ne bi naišli na isti problem i nezadovoljstvo studenata treće godine III ciklusa studija.

S obzirom da studenti ne mogu uticati na izmjenu sistema ocjenjivanja na visokoškolskim ustanovama na području Kantona Sarajevo, koje primjenjuju pass/fail sistem ocjenjivanja, izmjena Uredbe bi znatno olakšala rad i Fondu IKRE, a studentima omogućila učestvovanje u ostvarivanje/neostvarivanje prava u skladu sa ostvarenim brojem bodova.

S poštovanjem



Address: Alipašina bb, Sarajevo 71 000, Bosnia and Herzegovina
Tel./fax. ++387 33 444-520;
Tel./fax. ++387 33 200 310,
E-mail address: ikre.sarajevo@gmail.com

